

Trainingsweekend (24.25.4.2010) in Bärau

Am Samschtig Morge heimer d'Öutos gföut mit 12 Fröue, em Bigu und em Miss Bigi und hei üs ufe Wäg gmacht is schöne Ämmitau.

Im schönschte Sunneschiin heimer de üses Huus uf Ahieb gfunge. Es hett zwe Masseschleg gha; eine für die Damen und eine füre Bigu. Är hett aber us üs unerklärleche Gründ s'Einzuzimmer vorzoge. (I gloube är hett nid i si Masseschlag ine chönne oder so!) :D

Immer es paar vo üs hei d'Chuchi überno, was eigentlech immer no luschtig gsi isch. Ah, und natürlech ou sehr fein! ;)

Nachem Zimmerbezug und emene feine Zmorge heimer de afo trainiere. Mir hei vöu vorgha wasmer hei wöue verbessere und wasmer no Nöis hei wöue lehre.

Am Nomi heimer es erfougrichs Trainingsspöu gäge Langnau gha. Doch es hett immer no vöu gä womer de am Sunntig no hei chönne dranne schaffe.

Ou denn hett d'Sunne wider aues gä (mir natürlech ou). Gäge Nomi si de doch d'Bei immer wie schwerer, d'Chöpf brüner, d'Nackene röter und d'Päss gneuer worde. Miteme guet umkämpfte Match heimer üses Trainingslager chönne abschliesse.

De hetts numeno gheisse packe, putze und s'räschtleche Ässe ufteile. (D'Familie Brügger dankt für d'Spände :P)

Aues i auem heimer es super Weekend gha zäme. :)

Und jetzt ufne unfaufreii, super Saison: "E Guete mitenang (im Ämmitau)"!! :P :D